



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 04.11.2019

Presidi: Peer-Puorger Victor

Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri

S-chüsà:

Protocol: Fallet-Taverna Marco

Fabrica: Paulmichl-Rodigari Albin

Giasst/s: La direcziun da las Ouvras Electricas
d'Engiadina

tractandas	tema	responsabel
1	0120 Executiva Acconsentimaint protocol	tuots
2	8715 Ùtilisaziun da l'energia Ouvras electricas d'Engiadina Barat d'infuormaziuns culla direcziun	tuots
3	0220 Uffizi da fabrica Dum. da fabrica no. 049/2019, sanaziun chamonna, ingrondimaint intern, batschigl da sarinera, Kirchen-Werro Armon, parcella no. 7068, Flütnas 1-309, 7559 Tschlin	vp/ap
4	0220 Uffizi da fabrica Dum. da fabrica no. 047/2019, batschigl d'aua persa per la chamonna, lertavels Guido Sem, parcella no. 7312, Vadrain 1-319, 7560 Martina	vp/ap
5	0220 Uffizi da fabrica Dum. da fabrica no. 051/2019, müdamaint d'adöver da la chamonna (agricultura in vacanzas), Melcher-Mayer Chasper, parcella no. 7031, Craduvigas 1-311, 7559 Tschlin	vp/ap
6	8715 Ùtilisaziun da l'energia Proget turbina Sot Döss	vp/ap

7	1400 Dret general Barat da terrain illa zona d'agricultura Barat da terrain a Pramanera / Domenica Berger	vp/ap
8	7900 Planisaziun dal territori Contrat da cumprita Cumprita da terrain da Men Gustin, Tschlin	vp/ap
9	7900 Planisaziun dal territori Contrat da cumprita Cumprita da terrain da la corporaziun evangelica Valsot	vp/ap
10	0120 Executiva Orientaziuns	tuots
11	0120 Executiva Varia (suprastanza cumünala)	tuots

0120 Executiva

128 Acconsentimaint protocol

Il protocol da la sezzüda dals 21 october 2019 vegn approvà.

8715 Ütilisaziun da l'energia

129 Ouvres electricas d'Engiadina

Barat d'infuormaziuns culla direcziun

La direcziun da las erves electricas es cumparüda per spordscher a la suprastanza diversas infuormaziuns sur dal stadi ed andamaint da divers progets. Il capo spordscha il salüd e preschainta a la suprastanza ed a la direcziun cumünala, impustüt eir al successur dal chanzlist, Gian Claudio Oswald, chi ha güst hoz cumanzà sia nouva incumbenza.

Il directer, Michael Roth, preschainta sia direcziun, dimena sper el sun quai, Roland Andri vicedirecter, il qual s'ha s-chüsà, Heinz Gross, progets e logistica e Jachen Gaudenz, gestiun e mantegnimaint. In basa digitala spordscha el ün'interessanta e vasta survista.

Qua alchünas indicaziuns:

Cifras e facts 2017/18

Producziun da forza	1,314 Gwh
Cuosts da producziun	4.94 rps/kWh
Prestaziun intera	77 miu. fr.
Cuosts a charg dals partenaris	64 miu. fr.
Gabellas al man public	28 miu. fr. (36% da la prestaziun intera / 44% dals cuosts da partenari)
Somma da bilantsch	770 miu. fr.
Chapital ester a lunga vista	516 miu. fr.
Collavuratur	50

M. Roth manzuna, cha pertoccant la producziun da forza saja l'implant da Pradella il plü grond da la Svizra, quai chi tils renda cun baja.

Dürant ils ultims trais ons han las erves investi tanter 25 e 35 miu. l'on.

Ouvra GKI

In basa ad üna fich buna survista da fotografias preschainta M. Roth l'andamaint dal proget chi ha cumanzà dal 2014. Oriundamaing d'eira previsa la conclusiun dal 2018, però i's es gnü surprais da diversas forzas da la natüra chi han büttà inavo l'andamaint da las lavurs, sco lavinas, boudas e duos magari greiv invern cun gronda naiv. Quella situaziun ha chaschunà gronds cuosts e fadias.

Ils cuosts totals s'amuntan a 600 miu. euros. I's sperescha da pudair concluder l'ouvra dal 2022, i'l plü nosch cas dal 2023.

Heinz Gross

El preschainta il proget dal fabricat nouv dal svilup da la rait. Ils cuosts d'investiziun s'amuntan là a 100 miu. fr. Per s-chaffir l'ingrondimaint bsögnaivel da la rait es quai stat necessari da rumir üna part da la rait existenta chi nun accumuliva plü las dimensiuns pretaisas. I's ha qua pudü quintar cun bellas contribuziuns da la Swissgrid. Tuot in tuot es gnü installà ün bloc da büschens per cabels d'ota tensiun sün ün traget da 50 km, dimena il pü grond da la Svizra in sia funcziun. Quellas lavurs sun stattas per els üna gronda sfida.

El infuorma cha da Pradella fin Martina gnaran allontanadas tuot las pütas sur terra, dimena ün aspet fich positiv pella cuntrada.

Jachen Gaudenz

El infuorma sur da las investiziuns previsiblas i'ls prossems 10 ons. La somma totala s'amunta a var 90 miu. fr.

- Sanaziun tunnel Munt la Schera (17 miu.)
- Renovaziun dals inchaschaments d'aua (12,5 miu.)
- Revisiun da las maschinas a Pradella (12 miu.)
- Rimplazzament transformatur a Pradella (7miu)
- Renovaziun intera da l'indriz da serra e da l'impraisa electrica Ova Spin incl. clappa da reducziun a Punt dal Gall - incl. amegldramaint dal schlierimaint d'aua gronda (15 – 20 miu.)
- Sanaziun da la via da l'aua motorica implant electric Pradella (20 miu.)

A las diversas dumondas davart da la suprastanza respuondan ils preschaints in möd cumpetent. Il capo ingrazcha pellas fich interessantas infuormaziuns cha'ls responsabels da las ouvras han sport.

A las 21:15 bandunan ils giasts la sezzüda.

0220 Uffizi da fabrica

- 130 Dum. da fabrica no. 049/2019, sanaziun chamonna, ingrondimaint intern, batschigl da sarinera, Kirchen-Werro Armon, parcella no. 7068, Flütas 1-309, 7559 Tschlin**

Armon Kirchen piglia s-chüsa. Il petent prevezza da refar la chamonna. I's tratta però unicamaing da lavuors da refacziun internas. La chamonna as rechatta fingià daspö dal 1984 illa zona da privel contschina. Objects existents in quella zona das-chan be gnir mantgnüts e na fabrichats sü danövmaing. Culla construcziun d'üna tualetta vain ingrondida la surfatscha d'auzada brütta (BGF) minimalmaing per 2,7%. Dadourvart esa previs d'installar ün tanc da belma. La suprastanza va daperüna cun quai e decida d'inviar il proceder dal BAB.

0220 Uffizi da fabrica

- 131 Dum. da fabrica no. 047/2019, batschigl d'aua persa per la chamonna, lertavels Guido Sem, parcella no. 7312, Vadrain 1-319, 7560 Martina**

Previs esa d'installar ün batschigl da 10'000 liters. La suprastanza va daperüna culla dumonda e propuona d'inviar quella pel proceder dal BAB.

0220 Uffizi da fabrica

- 132 Dum. da fabrica no. 051/2019, müdamaint d'adöver da la chamonna (agricultura in vacanzas), Melcher-Mayer Chasper, parcella no. 7031, Craduvlias 1-311, 7559 Tschlin**

Il petent prevezza da parcellar oura sia chamonna d'agricultura a Craduvlias a regard il müdamaint d'adöver pel scopo da vacanzas. L'inspectorat dal register fundiari pretenda per quel intent, cha la dumonda gnia suottamissa al proceder dal BAB.

La suprastanza riva a la conclusiun d'examinar sco prüm il permiss dal BAB cha'l petent ha obtgnü ca. da l'on 1990. In seguit examinesch'ella l'ultrieriur proceder.

8715 Òtilisaziun da l'energia

133 Proget turbina Sot Döss

La società da meglioraziun Ramosch prevezza da realisar dal 2020 la lingia da sauaziun dal reservuar vegl fin a Sot Döss. Id es da manzunar cha'l cumün da Valsot prevezzaiva fingià dal 2016 da construir a Sot Döss, in cumbinaziun cun quel fabricat, üna turbina nouva. Perquai vaiva il cumün quella jada procurà ün'analisa a bun stim. Las calculaziuns da quella demuossan però cha'l rechav es zuond modest e quai be culla KEV (Kostendeckende Einspeisevergütung), sainza quella as demuossa dafatta ün deficit.

Ils cuosts totals pel proget s'amuntan a frs. 1,380 miu. e la part dal cumün importa frs. 230'000.00. La suprastanza decida, davo detagliada discussiun, da desister da la realisaziun da quel proget.

1400 Dret general

134 Barat da terrain illa zona d'agricultura

Barat da terrain a Pramanera / Domenica Berger

Culla construcziun da la chamonna a seis temp d'eira gnü survis il cunfin da la parcella, uschè ch'üna part da l'object as rechatta sülla parcella cumünala. Per corregger la situaziun s'han las duos parts abinadas. Il manader tecnic infuorma cha'l contrat adequat es uossa finalmaing avantman e muossa a man dal plan la surfatscha modesta da 582 m2 chi'd es tangada dal barat. La fatschenda es in uorden e la suprastanza va daperüna cun quai, uschè cha quist contrat po gnir suottascrit.

7900 Planisaziun dal territori

135 Contrat da cumprita

Cumprita da terrain da Men Gustin, Tschlin

Il proget da spostamaing da la via Davo San Jon pretenda l'aquist d'üna strivla terrain. La suprastanza repassa quel e tal es in uorden. Il cumün cumpra – mutaziun, la surfatscha dad 8 m2 (parcella 7195) pel predschi da frs. 5.00/m2. La fatschenda es in uorden e la suprastanza va daperüna cun quai. Seguond constituziun cumünala ha quella da gnir suottamissa a la radunanza.

7900 Planisaziun dal territori

136 Contrat da cumprita

Cumprita da terrain da la corporaziun evangelica Valsot

Il proget da spostamaing da la via Davo San Jon pretenda l'aquist d'üna strivla terrain. La suprastanza repassa quel e tal es in uorden. Il cumün cumpra – mutaziun, la surfatscha da 84 m2 (parcella 6515) pel predschi da frs. 5.00/m2. La suprastanza va daperüna cun quai. La fatschenda vegn suottamissa, seguond constituziun cumünala, a la radunanza. Quella ha lö als 25 da november 2019. La radunanza da la corporaziun evangelica sto però eir sancziunar il contrat. Cun quai cha quella salvarà sia radunanza pür davo la radunanza cumünala ha quella da til far bun culla resalva da la decisiun da la corporaziun evangelica.

0120 Executiva

137 Orientaziuns**Festival da biera 2019**

Quel es stat ün success ed ils respunsabels prevezzan da til realisar eir dal 2020.

Cuors per fatschendas da submitsiun

Il capo infuorma, cha'l departamaint organischa als 27 da november 2019 in fatschenda üna dieta per persunas da gremis politics. El appellescha a seis collegas da far part da quell'ocasiun.

Contrat da dret da fabrica

Il capo infuormescha, cha als 5 da november ha lö üna tschantada culs respunsabels da la ditta Laurent SA, ils quals vaivan giavüschà quella. I's tratta dals duos puncts culs quals nu vegn amo i d'accord, dimena «fit» e «indemnisaziun pro la scadenza».

Acla da Fans / sezüda dals 1. da november

La suprastanza lascha passar revista sur da quella, a la quala ella vaiva fat part in möd cumplet. I segua uossa la tschantada dal cussagl administrativ e davopro s'occuparà la suprastanza d'üna solziun per gnir incunter a l'Acla da Fans.

Tschaina dal persunal 2019

La suprastanza fixa il termin sün venderdi, als 29 da november 2019.

0120 Executiva

138 Varia (suprastanza cumünala)

Da la tractanda varia nu vegn fat adöver.

7556 Ramosch, 12.11.2019



Il capo:

Il manader administraziun: